

皇清文穎續編

皇清文頴續編卷一百一

詩

七言絕句

平定回部凱歌十首

彭啟豐

歲逢吉亥賦車攻

睿畧真成不戰功
解慍風吹洗兵雨
兩階文德五弦

中

瑤闔詠蕩響
鯨鐘露布星馳到

九重欲紀堯封天外是輪臺西去息烟烽

曾侍灤河

錫宴時名藩就

日拜軒墀前驅不血中原刃便取長纒縛郅支

柳中屯戍古膏腴轉餉無勞卷甲趨春暖流沙行處
好攜將時雨慰來蘇

澄清河海奠靈鼇右序功成正戢纛俎豆莘莘歌在

泮穹碑

天筆紀勳高

楊柳青青驛路攀榴華紅處執俘還行間剛唱從軍
樂已聽鏡歌度玉關

平沙千里裹明駝旃旆裝來釋荷戈縣度山前通棧
道春光一路草痕多

五營七萃靜無譁鞞譚遙通尉候賒四十九藩齊林
舞淵淵朱鷺致頻搗

八荒如闕拱

王廷川陸光華接牧垌瀚海於今看洗甲天山振古

更垂銘

遐陬盡沐

聖恩覃畝穫雙歧蘭八蠶

玉戚再瞻臨魯甸

翠輦重望幸江南

平定回部詩

謹序

劉綸

乾隆二十四年己卯冬十月二十三日庚子嚮

晨定邊右副將軍富德等露布驛

聞具言諸部表降逆酋授首請剋日獻

闕下

皇帝曰俞回部一役蓋自曩者我師定伊犁實連父
之而戴成遂與西事相終始維

天維

祖宗綏祐子一人載集大勳纘承

不緒其詔定邊將軍兆惠暨副將軍叅贊大臣等班

師且勅所司

告功行慶備舉茂典如例於是羣工百執事以

聖上威德超邁隆古拜手咸普曰回紇自唐始通中

國然其時借兵輸幣互市和親祇用貽羞簡牒

卽漢代拓跡自雄貳師長驅博望遠使及攷西

域一傳號稱編名屬國者不過麥誕荒忽而已

設令躬逢

今日內燭外覃顯庸懿鑠收版章者二萬餘里討

軍實者未決五年必將震懼睜舌搗而不能

下而臣竊維

皇帝安邊伐罪不得已用兵之

聖心與夫選將勵兵動協制勝先幾之

睿畧夫豈可與樂成難與慮始者所能闕尋萬一哉

方逆酋出自圜牢加之肉骨良以四部初定俾

捍吾圉而仍故封亦固其所無何野心狂獬助

逋賊戕使臣戕使臣則

王章莫追助逋賊則邊患必除故曰不得已也且夫
就大事者不避小艱而苞蘖相因旋起迭仆正
上蒼所以貽

永清大定之庥意至深遠越若託和鼐若和洛霍斯
若鄂根河酋勢固已創矣旣而懲庫車之轍淖
黑水之鋒客主殊形勞逸異勢懸軍堅壁雖握
竒竿者難以逆睹而圖全乃徵兵選騎集賈轉
饜已儲待於數月之先而前者赴援後者繼進

皆由

皇帝運籌乙夜先

天弗違而

天亦若默啟而順應之乃乘時決策靜與神謀逆酋
不得不斂氣而棄城別部不得不警威而斬馘
以故前鋒躡擊一挫之霍斯庫魯克嶺再殄之
阿爾楚爾三糜之伊西洱庫爾淖爾微特安集
延和罕諸回望風景附而拔達山汗之驅除先

路者一如左右哈薩克東西布魯特咸知殲大
憇而効同讐後先一揆以臻此

巍巍之盛烈也

臣叨侍

禁垣欣聞

凱奏顧惟輜陋不文未克推明所以伏覩

皇帝成亘古未有之

偉伐抒亘古未有之

至文深幸纂實臚聲考衷有自往者恭繹

御論於開剏守成之難易二致意焉茲誌誦

告成太學碑有云惟厲守成之志無希開剏之名臣

愚以爲

皇帝寅紹

丕圖

祖德

宗功仔肩彌重惟

業兼夫開剏斯

道備乎守成而

聖性淵冲惟孜孜持盈保泰弗懈益虔則所以裕億

萬禩

錫祚垂光之本胥於是乎在臣竊溯沿樂府敬以長

言系之擬鏡歌製所近也得辭三十章依上下

平韻也

流沙萬里玉門通送

喜牙旗一片紅正好

觀臺望雲物博桑高處掛

天弓

額森舊部久

提封薦德遺支敢不共此日回隍橫吹曲平安報道

已銷烽

闐爾音西靜鼓杠曾留雪窖纍囚雙不知

解網恩何極搖尾俄爲反噬龍

首鼠無端逐叛兒牙璋聲罪

簡偏師前車試向羅叉看疏屬先僵斃負尸

條鏃須與飽卽飛霍酋阿逆竟疇依陣前兩豎俱亡
蠶早兆

神兵百勝歸

大宛左右奉降書勃律東西赴傳車肯爲逋逃作淵
藪伊綿峪口認交閭

蕃部人知奉檄趨封狼何事更生獮

天教變速么膺盡一掃陰山就

永圖

廟謨神速將謀稽失律逡巡自破翠帳下飲飛齊裂
背甕中誰遣失醢雞

易將懽呼整旅皆連城日下請功牌折衝豈獨收三
窟要斬樓蘭送藁街

喀拉烏蘇溜湫洄爭先肉薄夜銜枚長驅能以一當
百共訝將軍

天上來

三月堅持氣益振
窖中火米出陳因
還憑柵木尋鉛
彈那數收散下
藁人

采入方期淨垢氛
趣援間道檄初聞
番休四路徵兵
會先著都關

睿慮殷

絕漠金戈海日曛
平川鐵騎嶺雲屯
雙聲礮聽重圍
應百匝營看五夜翻

賊膽先知廿日寒
蒼黃出走六羸難
首塗記取傳軍

令封兩名城只一九

攬金摩遂徧通闔張臆婆和有好顏約法不煩顛面
服始知身隸

帝絃間

宣慰依然部曲全漫教鍛羽更驚茲三銖不改都官
品九府初輸騰格錢

蹙蹙花門尙踟跳桓桓專闔過嫫姚上公名震巴圖
魯九百前驅到詰朝

打坂延緣郭畢交蚩尤肩髀怯鳴弮窮殘墮殞猶捐
棄輜重何由隊後梢

袞都村畔曳柴勞察罕河邊積甲高待向投身先掠
畜已知汗裸斧應膏

拜哈派爾教云何傳檄詞嚴盾鼻磨計日取殘柴扎
木都丸載齒走封駝

旁行字疏獻

天家收得長纓瀚海涯甌脫齊歸

大皇帝薛延陀北盡懸駁

繼

序鴻猷仰

烈光

酬庸異數炳旂常丹書更貌凌烟像褒鄂英姿著

日旁

列戍人方樂踐更分屯地況擅竒羸置侯詎假骨都

號增尉時符戊巳名

贈斯訥默守前經何似

堯階覩瑞冀開郡職方曾記里撫辰太史又占星

橋門十鼓陋丰稜高揭

奎章寶翰騰得奉

典謨光策府客卿子墨媿安能

立柱摩崖孰勝流伊西

績與格登伴邊人下馬齊膜拜

御製新銘勒上頭

注駒闐壁競輪琛

聲教覃敷到昧任信是

神人咸助順履長嘉應見

天心

薦馨

郊社告胥戲慶愜尊

親愷澤覃備列九賓觀

盛事五年兩度

闕門南

王會圖開

創守兼

受釐長益

塵撝謙功成未易紓

宵旰善後

疇咨聽漏籤

方畧三編備發凡光叨

賜級署新銜

樞垣珥筆誠多幸
朱鷺歌成樂至誠

平定回部詩

謹序

盧明楷

洪維我

國家大一統
式九圍
闔惠浹於方隅
英聲懍乎殊
微靈夔鵬鸚
樂府傳桐鼓
之篇靈犬統
牛明堂
開爻間之會
占東風而受
吏來獻其琛
跨西海
以攸同事懷
厥德

皇上法

天不息率

祖攸行承奕葉之重光包羣生於在宥比者伊犁大
定我武維揚呼韓泥首以乞降頡利繫頸以繼
至大宛左右籊雲之馬遙徠布露東西蓋地之
圖畢獻三十六國陋漢家都護之規七十二州
逾唐代羈縻之境逆回大和卓木波羅泥都小
和卓木霍集占兄弟者花門雜種韋紇餘苗風

役屬於單于久羈囚於鄂拓自大兵奏犁庭之
績俾小醜邀解網之恩釋諸纍俘返其舊部而
狼心終野螳臂輒張遂興反噬之謀頓肆跳梁
之智爰乃龔行

天討簡命元戎謂師出之有名矧算多而必勝堂堂
布陣穿鳥道而先驅正正揚旗踰龍沙而轉戰
嚴中軍之鞀鼓屯萬竈之貔貅鏖兵黑水之濱
鷹揚齊奮畧地和闐之域烏合將窮五技安施

遂聞風而遠竄兩城底定羣接踵而來迎悉主
悉臣品班聯之高下于疆于理計稅賦之徵收
選壯士以窮追賈餘勇以競奮勢如破竹迅比
摧枯乃有蕃部來王捧檄書而自効遐荒夾擊
殲醜旅以靡遺械貳負之尸擒來疏屬竿蚩尤
之首懸向藁街露布朝馳捷書夜到拓版章於
赤縣洗兵蒲海之西恢疆索於黃圖奏憐葱山
以外運四五年之

廟畧惟斷乃成定一萬里之坤輿有截其所於是告
功

太廟展禮

皇穹承德喜於

慈寧溥

湛恩於海甸已安已治彌厯保泰之衷不伐不矜益

飭鳴謙之德臣叨依

講幄幸際

昌期下馬慚磨盾之才珥筆媿籌邊之畧紀諸樂
府敢擬繆襲之篇譜入新詩竊效岑參之體云

爾

八表梯航王會同赫斯一怒定西戎捷書夜到于闐
塞萬古魏巍紀

聖功

堂堂茶火壯軍容絕徼於今息埃烽雁磧飛芻踰萬
里度支曾不擾司農

往歲

天兵金鼓攔翠庭遠畧更無雙一麾已縛單于至曉
日轅門照受降

列陣高懸正正旗孽芽翦後更無遺屯田好舉營平
策沙磧春耕雨一犁

洛那布露輔車依重譯借來史冊稀苜蓿新栽上林
苑籥雲驗取渥洼肥

花門次第返穹廬往日羈囚類釜魚肉骨

恩深曾未報野心何意助狂狙

討罪重煩金僕姑

天戈到處似摧枯馬前整頓降蕃了前部先趨阿克

蘇

畫角風高落日低儲胥雲護大荒西名城伯克爭抄
劫譯使無煩遣狄鞮

三成夏箭插鞞敵愾爭先壯士皆甲帶濃霜穿峻
嶺馬乘殘月度重崖

介馬先驅度水隈，擣巢深入肯徘徊。
健兒四百皆超距，鏖戰曾將十萬摧。

一軍固守氣嶙峋，築堡遙當黑水濱。
排日張卷頻搏戰，直從冬盡到初春。

援兵四合氣如雲，妙算如神仰

聖君一著先。幾人不解前期已遣羽林軍。

前鋒後隊各騰鶩，兩月遶行銑吹喧。
金鼓忽從天上下，先聲早已訥堅昆。

連朝轉戰陣雲寒塞馬驅來各跨鞍
趕趕材官齊斫陣龍沙月黑夜漫漫

兩軍合隊挽黃閭阿克蘇城整旅還
突騎諸軍經百戰寶刀驗取血痕殷

祕畧

神謨總萬全百城遠近檄書傳射雕
曉踏和闐雪飲馬宵澄玉隴烟

空林那許嘯山贈盡徙穹廬去更遙
此日游魂真破

膽虛弓早已落雙鵝

伯克趨迎到遠郊
壺漿載路動謹叟
降蕃道左攜牛
酒大將營門擁旆旒

掃穴犁庭意氣豪
還催武騎簇弓刀
霍斯庫魯山前路
塵陣功懸麟閣高

躡響追聲戈壁過
漢池那任竄么曆
奔麋失路紛紛
散棄甲還同熊耳多

窮鳥林巢欲脫箠
彌天密網遠羅遮
伊西洱上旄頭

落拔達山前戰鼓搥

蕃部傾心共享王遙將一矢殪天狼窮荒傳取樓蘭
首露布軍門報捷章

西過伊沙萬里程輿圖拓後更輕征來牟禾稼登場
滿隴上何曾有輟耕

恩深直似泛滄溟回紇遺氓得永寧騰格舊錢無用
處司農別與鑄新型

振旅歸來萬馬騰酬庸

恩數喜頻仍

君王親向西郊勞遙望朱霞天半凝

二萬提封五載收百千城郭列輕郵非常遠畧誰能
助乙夜

楓宸自運籌

列聖重光

天眷臨我

皇保泰益欽欽

兩朝

聖武垂家法豐芑無忘

燕翼心

允哉咸五更登三西被東漸暨朔南送喜

慈寧

頌慶典薰風草木自長酣

方物遙聞貢鯨鰓橈槍掃盡見鈎鈐豐碑二度橋門
勒倬彼

天章拜手瞻

摩崖絕徼

聖功鑿西極同心感至誠偃伯靈臺當此日願將

盛事紀瑤函

平定回部凱歌十二章

謹序

紀昀

臣聞五材並用爰制干戈九伐斯張是聲鐘鼓

狼弧下指

王師握大順之機虎旅長驅

天討據無前之勢芒橫太乙凌絕域而皆通響激豐
隆摧凶鋒而立破蓋參旗并鉞六軍之氣象原
尊故月竈星源一統之規模自遠欽惟

皇帝陛下天樞高挈地絡宏包統馭三靈昭宣七德
屬以削平乎僭竊遠出陽關因而戢定其封疆
全收陰磧六丁雷電下臨烏耗之城八陣風雲
直抵黃支之國兜題立縛組繫降王唐笮新歸
歌通譯使雖有蝟鋒塘斧敢繼起以憑陵一經

夔鼓龍旗並相隨而掃蕩

錫南車以指路妖霧全消隨北斗以旋樞將星齊動
應龍一下蚩尤之仗祁摧妖鳥羣呼庭氏之弓
莫避荒山寂歷長囚貳負之尸大漠蕭條誰作
刑天之舞玉笛平羌之曲聲徧甘州金笳入塞
之吟春回苦峪營開萬里新標定遠之名壘築
三城盡是受降之地大宛貢馬無煩昧蔡之重
封勃律輸香願受歸仁之舊號惟逆回波羅泥

都霍集占等白題分部羣居蔥嶺之隈赤坂爲
鄰潛聚花門之種弟兄相倚僑如左右乎榮如
墟落遙通突利聲援乎頡利貪殘爲性虺毒潛
吹狡黠成風豺牙宓厲初遇莎車之勁敵迫從
俞林遂以蒲類之孱王幽居阿惡蕭蕭松柏渠
酋則繫若纍俘僕僕山川部曲則役如臣妾鯨
吞靡盡紈牛之畜牧全空鸞食無涯騎馬之金
錢並竭幸

天兵之薄伐得寬無弋之囚因故國之重歸竟脫
賞姑之役招攜舊部五翎侯復得相從營葺荒
城二昆莫依然並建慕容順之封西海已拜唐
官尉屠耆之入杆泥寶隨漢使巢林春燕久已
無家銜索枯魚條焉得水縱使白環以效貢未

足酬

恩乃當丹浦之陳師反思助逆陰山風吼龜茲之四
鎮相驚瀚海塵飛疏勒之孤軍遂困星軺奉使

持虎節以無歸雪嶺屯兵阻龍堆而暫梗鯨魚
跋浪竟興風雨之妖梟鳥成羣敢犯雷霆之怒
九嬰相煽甘自外於

堯階三葉當鉏難倖寬於

湯鉞

皇上用是靖茲邊徼召司馬以蒐兵揚我軍鋒射封
狼而示戒橫天玉弩直指太白之芒出塞金鏡
六練中黃之士牙旗畫樹

詔出甘泉柵鼓宵鳴路迪鹽澤千牛分衛

禁營宣控鶴之軍萬馬揚鑣

內苑出飛龍之廐索倫鼓勇青羌之勁旅橫戈蒙
古從公白霧之名王執槌茫茫枯草氣薄天山
颯颯長風勢回地軸衝車交舞陣前之明月齊
彎突騎爭呼坡上之殘虹欲斷乃以軍中失律
有殊細柳之行兵因之徼外偷生猶緩樓蘭之

對簿賴我

皇上帝明刑飭罰易帥臨戎俾軍紀之一明乃士心之

彌奮牙璋迅速再揭辰旂玉帳森嚴重屯戍校

詔以臣兆惠爲將軍以臣富德爲之副窮搜二豎務

懸毋寡之頭先定諸城豫斷匈奴之臂七百梯

雪山之路直搗康居十三部鐵勒之兵俱隨契

苾角聲吹月中天躍弧矢之星劍氣衝雲列宿

動旗鏜之象桓桓驍騎竚看日逐成禽屹屹重

關早已夙沙自潰連營鏜吹驚屋瓦以皆飛一

路戈鋌入城門而不閉麗譙踏雪不煩鷲鷹之
聲睥睨垂花未試鷓鴣之羽人無後至冀得免
於焚巢兵有先聲遂不殊於破竹星芒一片親
摩大食之刀月色三更看采于闐之玉是皆

威弧在握西人之膽先寒所以武帳臨邊南仲之師
屢克於是乘軍聲之大振奮策前驅及戰氣之
方新揚麾采入層冰匝地細辨狐蹤疊嶂摩天
直探虎穴掃欃槍於雁磧志不空還指彗孛於

龍沙義無返顧我

皇上乃明操金鏡照六合而無遺高握璇樞計萬全
而不爽赤囊未遞先知鄭吉之圍白羽逆飛早
解耿恭之困爪牙是寄奮我前茅臂指相維繼
以後勁驅來宛馬久肥苜蓿之苗統出燕犀爭
淬芙蓉之鏑三花駿鬣直教逐日而行五色高
牙倏已自天而下果遇臣兆惠等乘虛深入衝
萬里之黃雲據險相持限一灣之黑水日弓月

矢方轉鬪以無休鐵額銅頭竟屢摧而不退螯
弧一奮進尙舉旗刁斗相聞退仍築砦雲梯爭
舞合圍者不啻千羣星劍頻揮拒敵者倏經三
月我援兵乃恭承

神策間道行師迅赴戎機擒生問路幾重亭障直過
飲馬之泉不盡闕山飛瀟射雕之騎初以馳驅
乎遠道魯縞未穿旣而迅發夫奇兵鄭旗遂獲
銜枚卷甲邊月微明飛矢揚兵陣雲忽起寒飈

凜冽我軍乃倍覺驍騰夜色昏黃賊黨遂自相
擊觸驀坡注澗誰當犀手三千流血僵尸已得
蛇矛丈入寥寥大野星狼之焰全燬子子殘兵
風鶴之聲尙恐遂得二軍之合隊立破重圍繼
乃兩路以興兵直摩堅壘師行六月正符吉甫
之詩時屆三年宜奏鬼方之捷爲鷺爲鶴壁壘
一新如火如荼旌旗倍壯赤茸搖鞞振玉隴而
皆驚朱鬣揮戈蹋鐵山而欲碎鷹鷂爲幟大軍

之猛氣先揚草木皆兵餘孽之殘魂已慄燕方
巢幕原撫已以知危猿更投林翼依人以自活
河魁列帳軍中之銅虎初行山鬼潛蹤階下之
金駝早棄震驚兵勢有如蝻戶聞雷揣度師期
竟似穴居知雨荒城寥落空留綠玉河邊殘衆
扶將齊拜碧油幢下高塘不守已因壘而皆降
壯士橫驅乃長歌而竟入收其版籍隸在司徒
定其租庸統於都護封疆如故與韃與寇匿相

連侯尉增新譯長與君冬並設銅山別鑄全消
安息之錢石廩不移仍貯烏長之麥突厥之東

西兩部盡入黃圖單于之南北二庭俱歸赤縣

遂乃吳鉤卻月遠逐烏孫漢箭控雲窮追白狄

驚蓬卷地驅將校以爭先荒草粘天訊俘囚而

得路根敦城叫吐谷渾雖已全逃唐翼谷中先

零羌猶然未度魚直在釜安得揚鬣狐欲渡河

無如曳尾追及之於霍斯庫魯克紅陽奮躍踟

山石而皆穿紫電交揮激天風而倏起紅塵匝
地格鬪者一可當千白草迷蹤披靡者十纔贖
五呼聲合沓狼頭之蠹將摧兵氣飛揚燕尾之
旗並舉旄頭欲落方戰苦而雲深畫角猶鳴乃
途長而日暮馬嘶空磧幾縷霞紅雁入寥天一
時月黑以夜行而不辨尙宵遁而未禽於是再
礪戈矛重張旗鼓路通汎水定窮回紇之蹤地
盡崦嵫務斬郅支之首再追及於阿爾楚爾相

其地勢正阪陵谿谷之形考以兵書是刀楯矛
鋌之所整齊八纛偏伍相承部署五兵方圓互
用上軍下軍之外挈以中權右角左角之間導
以前拒八門已啟儼成風后之圖一鼓先登竟
躡月支之壘排空直上披榛莽以皆開絕迹飛
行凌崎嶇而莫阻琤撻白刃金鐵皆鳴匝匝黃
塵風沙亂舞半天霹靂橫飛列缺之芒萬仞巉
巖中裂巨靈之掌層巒疊嶂梁山骨以皆紅豐

草深林熱雲根而並赭長虹墮地何處揚旗短
蟻舍沙一時卸弩顛連失步不矜九象之雄瑟
縮求生僅作六騾之遁爾乃青鳶揭旆平驅逐
北雄師白鵠揚鞭更簡征西勁卒急躡之於伊
西洱庫爾左臨大澤蒼茫積水之區右界崇山
詰曲穿雲之踏蒼嵐嶺萃有甚蠶叢白道縈回
難成鶴列逆回等雉方帶箭已經五采離披虎
尙負嵎自恃十盤鬱律收其餘燼重鳩漏網之

徒陟彼高岡先據建瓴之勢丹梯無路難相接
以短兵紫焰衝雲用遙攻以利器千丈鼓赤龍
之鬣石角平摧七星召朱鳥之神金丸亂灑火
珠激射乍驚吐火之民雷鼓砰訇忽震無雷之
國風烟瀕洞直疑海水皆翻草樹焦蜷遂使山
精盡駭衝鋒越險摧輪雖似於羊腸稽首呼降
棄甲竟齊於熊耳力窮五技鼯鼠方逃戰鬪三
交攝驄竟棄奔如夸父惟隨日影而行走若蜚

廉冀免海隅之戮於時拔達克山汗素爾坦沙
仰懷

聖德育弩趨風夙懼

皇威執殳效命陳庭飛隼本貫矢而相投魏國驚鴻
遂聞弦而自落駒支受令用成犄角之形長狄
稱兵終得春喉之禍尺書所至奮勇擒王重譯
而來輸誠獻馘裂肩有據已申絕轡之誅殘骨
仍存尚辨專車之狀蕃庭飲器降牋送未漆之

頭漢代藁街驛使遞待懸之首妖氛既淨光耀
三精絕徼齊歸地窮八柱河山曼衍萬年入白
阜之圖宮徵鏗鏘十曲奏黃神之樂仰見我

皇上文昭雲漢四表同光武奮雷殛萬靈受職戢兵
禁暴式彰有截之勳和衆安民永固無窮之業
昔者冉驩大定杜鵑申北向之心今茲回鶻全
平天馬進西徠之頌是皆

睿謨獨斷力排築室之謀

神武遐宣克奏犁庭之績溯達瓦齊就俘之日纔閱
五年計庫車城申討之時僅餘兩載三征三克
易若摧枯再叛再平驗如操券渠魁授首默德
那之種落咸歸荒裔傾心速魯檀之版圖並隸
䟽通兩道寧止萬三千里之遙考定諸躔已出
二十八星之外臣開闢不臣之地

德邁義軒建古今未建之勲

業超舜禹從此瓜沙左右爭事春農蒲海東西無勞

秋戍正六符以育物珠斗經天越九譯而來賓
金甌紀地三十六國羣瞻有道之

天萬八千年共祝無疆之

壽定知寰中之歌舞雷動歡聲寧惟閩外之麾幢雪

融喜氣臣金鼈侍直叨列清班玉虎徵祥躬逢

盛世

天威遠播欣聞吉語之來

聖烈昭垂宜有頌聲之作竊惟弦弧剡矢所以保大

而定功鳴篪吹竽所以建威而揚德周官愷樂
職在太師漢氏鏤歌掌於協律聲詞合寫十八
章舊調無傳篇目相沿廿二曲新聲數變晉人
仿古始號凱歌唐代承流漸諧律體緬維貞觀
初成五字之詩亦越嘉州遂初七言之製考其
節奏雖開元以後之音稽厥淵源實常武諸篇
之義故當世或施絃管而後來亦播咏歌謹仿
其體爲班師凱歌十二章恭呈

御覽樂以象功知莫罄

高深之量詩以言志庶竊申怵舞之忱其詞曰

喧喧簫鼓凱歌音半捲紅旗入鳳林曾是

軒轅親教戰霜天曉角尙龍吟

妖星墮地響如雷風捲陰雲萬里開邊月高高天似
水捷書一夜過輪臺

秋雁連天西海頭六軍回馬唱涼州擒王破陣須臾
事誰賦金闈上翠樓

故壘茫茫大夏城
蘆笳吹作入邊聲
回頭博望浮槎地
曾是西來第一程

鐃歌一路響寒雲
獵獵風生萬馬羣
行到來時曾戰地
降蕃猶認上將軍

滿耳秋風入短簫
黃榆葉落草蕭蕭
西蕃已破無征戰
只向高原試射雕

赤土山前雪打圍
桃花叱撥繡弓衣
風雲也稟

天朝令滿磧平沙
靜不飛

雕鷲飛揚大將旗提兵兩度上崦嵫回軍卻過龜茲
壘一笑當年李靖碑

勒石燕然莫更論且看走馬定堅昆垂楊綠到其摩
寺寧止春光度玉門

多少降羌逐馬蹄

芙蓉闕下貢黃犀蕭關候吏如相問家在條支更向

西

鷺翎長箭虎紋鞞歌舞還朝拜

玉階今日方知

神武畧書生何用議珠厓

射盡鯨鯢海不波洗兵真看挽銀河笛中一曲平西
雅誰數摩訶兜勒歌